



Broj: 03-02-13672- 7 /25
Bihać, 19.11.2025. godine

SKUPŠTINA UNSKO-SANSKOG KANTONA

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

PRIMLJENO: 20.11.2025.

Org.jednica	Klasifikaciona oznaka	Redni broj	Broj priloga
011-2	8-104	25	

PREDMET: Prijedlog Zakona o izmjenama Zakona o državnoj službi u Unsko-sanskom kantonu, dostavlja se;-

Na osnovu člana 120. i 133. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Prijedlog Zakona o izmjenama Zakona o državnoj službi u Unsko-sanskom kantonu, uz sljedeće

Obrazloženje

Vlada Unsko-sanskog kantona je na 17. sjednici, održanoj dana 19.11.2025. godine, razmatrala i Zaključkom broj: 03-02-11490-255/2025 utvrdila Prijedlog Zakona o izmjenama Zakona o državnoj službi u Unsko-sanskom kantonu, obrađivača Ministarstva pravosuđa i uprave i isti vam se dostavlja u dalju proceduru i predlaže pretresanje po skraćenom postupku, bez Nacrta Zakona.


S poštovanjem,

Prilog: Prijedlog Zakona o izmjenama Zakona o državnoj službi u Unsko-sanskom kantonu

Dostavljeno:

1. Naslovu,
2. a/a.





Na osnovu člana 16., a u vezi sa članom 18. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), Vlada Unsko-sanskog kantona na 17. sjednici, održanoj dana 19.11.2025. godine, d o n o s i

ZAKLJUČAK

I

Utvrdjuje se Prijedlog Zakona o izmjenama Zakona o državnoj službi u Unsko-sanskom kantonu, s tim da se isti uskladi sa sugestijama iznijetim na sjednici Vlade Unsko-sanskog kantona, obrađivača Ministarstva pravosuđa i uprave i isti se upućuje Skupštini Unsko-sanskog kantona na razmatranje po skraćenom postupku.

II

Ovaj Zaključak stupa na snagu danom donošenja.

Broj: 03-02-11490-255/2025
Bihać; 19.11.2025. godine



(PRIJEDLOG)

Na osnovu člana 1., 2. e), 3. e), a u vezi sa članom 4. poglavlja IV i člana 11. b) odjeljak A poglavlje V Ustava Unsko-sanskog kantona – prečišćeni tekst („Službeni glasnik Unsko-sanskog kantona“ broj: 1/04 i 11/04) na prijedlog Vlade Unsko-sanskog kantona, Skupština Unsko-sanskog kantona na _____ sjednici održanoj dana _____, 2025. godine, donosi:

ZAKON
O IZMJENI ZAKONA O DRŽAVNOJ SLUŽBI
U UNSKO – SANSKOM KANTONU

Član 1.

U članu 27. Zakona o državnoj službi u Unsko-sanskom kantonu („Službeni glasnik Unsko-sanskog kantona“, br. 14/17 i 15/20) u članu 27. stav (1) tačka c) mijenja se i glasi:

„c) prava i obaveze državnog službeniku miruju od trenutka kada bude izabran i/ili imenovan, direktno ili indirektno na javnu funkciju u bilo kojem zakonodavnom, predstavničkom ili izvršnom organu na bilo kojem nivou vlasti u Bosni i Hercegovini, direktorom u javnoj ustanovi, odnosno javnom preduzeću i drugoj instituciji, funkciju pravobranioca na bilo kojem nivou u Bosni i Hercegovini ili ukoliko bude izabran na profesionalnu funkciju u sindikatu. O nastupanju ovih činjenica državni službenik, dužan je, u roku od osam dana od dana saznanja za činjenice obavijestiti rukovodioca organa državne službe, koji donosi rješenje o odsustvu državnog službenika iz državne službe“.

Član 2.

Ovaj Zakon stupa na snagu osmog dana od dana objavljivanja u "Službenom glasniku Unsko-sanskog kantona.

Broj:
Datum:

PREDSJEDAVAJUĆI SKUPŠTINE
UNSKO-SANSKOG KANTONA
Nisvet Jusić

O B R A Z L O Ž E N J E

I – USTAVNOPRAVNI OSNOV ZA DONOŠENJE PROPISA

Ustavni osnov za donošenje ovog zakona sadržan je u odredbama poglavlja IV, člana 1., 2.e), 3.e), a u vezi sa članom 4. poglavlja IV i član 11.b), odjeljka A. poglavlja V Ustava Unsko-sanskog kantona - prečišćeni tekst („Službeni glasnik Unsko-sanskog kantona-prečišćeni tekst“, br. 1/04 i 11/04) kojim je propisano da Kanton ima sva ovlaštenja koju nisu Ustavom Federacije izričito povjerena federalnoj vlasti ili koja nisu Ustavom Federacije utvrđena kao zajednička ovlaštenja Federacije i Kantona, zatim da je Kanton ovlašten za utvrđivanje politike koja se tiče reguliranja i osiguranja javnih službi i socijalnu politiku, kao i da Skupština kantona donosi zakone Kantona.

II – RAZLOZI ZA DONOŠENJA ZAKONA I OBJAŠNJENJA PREDLOŽENIH ODREDBA

Ovom izmjenom državnim službenicima omogućuje se biračko pravo (da bude biran) u smislu Izbornog zakona BiH, ali pod uvjetom da svoj radno-pravni status državnog službenika u slučaju njegovog izbora zadrži u stanju mirovanja, što smatramo da je u skladu sa političkom nezavisnošću, kao jednom od principa na kojima se zasniva državna služba.

S druge strane nedostatak kadrovskih kapaciteta u pravcu upravljanja i rukovođenja javnim ustanovama, preduzećima i drugim institucijama, stvorilo je nužnu potrebu otvaranja mogućnosti da se na ove funkcije imenuju lica koja su državni službenici, što otvara mogućnost boljeg upravljanja i rukovođenja ovim institucijama, a samim tim i dolazi do ostvarivanja boljih rezultata rada ovih javnih preduzeća, ustanova ili institucija, što je i glavni cilj šire društvene zajednice.

Gotovo identičan razlog opravdava izmjenu ove odredbe u dijelu koji se odnosi na mogućnost imenovanja na pravobranilačku funkciju na bilo kojem nivou vlasti u BiH.

U vezi s navedenim, posebno je značajno omogućiti mirovanje prava iz radnog odnosa državnim službenicima u naprijed navedenim slučajevima, čime se stvaraju uslovi za bolji, efikasniji i politički neovisan rad u ovim preduzećima, ustanovama, institucijama i pravobranilaštvima, jer upravo pravo na povratak u državnu službu predstavlja značajan otpor političkim i drugim pritiscima, koji su u značajnom obimu izraženi kod vršenja ovih funkcija.

Izmjene imaju i svoje opravdanje u izjednačavanju u pravima državnih službenika i lica zaposlenih u realnom sektoru, imajući u vidu da je Zakon o radu („Službene novine Federacije BiH“ br. 26/16,89/18, 44/22 i 2639/24) ova prava propisao na način da radniku izabranom, odnosno imenovanom na neku od javnih dužnosti, u organe Bosne i Hercegovine, Federacije Bosne i Hercegovine, organe, kantona, grada i općine i radniku izabranom na profesionalnu funkciju u sindikatu, prava i obaveze iz radnog odnosa, na njegov zahtjev miruju, a najduže na period koliko traje obavljanje te funkcije, od dana izbora odnosno imenovanja.

III – USKLAĐENOST ZAKONA SA EVROPSKIM ZAKONODAVSTVOM

Prijedlogom ovog Zakona i njegovom primjenom neće biti narušeni osnovni principi zakonitosti, transparentnosti i javnosti, odgovornosti, efikasnosti i ekonomičnosti, profesionalne nepristrasnosti i političkoj nezavisnosti.

Upravo se preporuke Evropske komisije u oblasti državne službe zasnivaju na ovim principima.

IV – PROVEDBENI MEHANIZIMI I NAČIN OSIGURANJA POŠTIVANJA ZAKONA

Zakon će se provoditi na način da će o ovim pravima odlučivati rukovodilac organa državne službe na način da će donositi rješenja o odsustvu iz državne službe, dok nadzor nad njegovom primjenom vrši Ministarstvo pravosuđa i uprave, a svoju ulogu u praćenju njegove primjene ima i upravna inspekcija u sastavu ovog Ministarstva.

V – OPIS KONSULTACIJA U IZRADI OVOG PROPISA

Kako se radi o uređivanju odnosa unutar državne službe, koji do sada nisu uređeni, a za čijim uređenjem postoji neodložna potreba, imajući u vidu da je donošenje zakona predviđeno Programom rada Skupštine, kao i činjenicu da se radi o nadograđivanju samo jedne pravne norme (tačka c) stav 1. član 27.), to su ispunjeni uvjeti donošenje zakona po skraćenom postupku u smislu člana 133. Poslovnika o radu Skupštine Unsko-sanskog kantona. U postupku konsultacija ministarstvo je pribavilo mišljenje Koordinacionog odbora sindikalnih organizacija službenika i namještenika organa uprave, sudske vlasti i javnih ustanova Unsko-sanskog kantona broj 03-07-20/25 od 14.11.2025.godine, u kojem je navedeno da je donošenje ovog zakona opravdano i da su saglasni sa prijedlogom Zakona.

VI – PROCJENA EKONOMSKE OPRAVDANOSTI DONOŠENJA ZAKONA

Posebna procjena ekonomske opravdanosti donošenja ovog Zakona urađena je na temelju procjene da će doći do eventualnog imenovanja novih rukovodećih službenika u skladu sa izmjenjenom odredbom člana 13. i 14. ovog Zakona.

VII – OBRAZLOŽENJE FINANSIJSKIH SREDSTVA ZA PROVOĐENJE ZAKONA I FINANSIJSKI EFEKTI ZAKONA

Za provođenje ovog Zakona nije potrebno obezbijediti dodatna finansijska sredstva.

VIII – RASPORED EVENTUALNOG PONOVOG PREISPITIVANJA ZAKONA

Ministarstvo predlaže da Vlada Unsko-sanskog kantona ovaj Zakon usvoji i predloži Skupštini kantona njegovo donošenje u skraćenom postupku.

IX – NAČIN IZVRŠENJA PROPISA

Za provođenje ovog Zakona nije potrebno donijeti poseban podzakonski propis.


X – OBRAZLOŽENJE PREDLOŽENOG PRAVNOG RJEŠENJA

Izmjenom člana 27. stav 1. tačka c) omogućeno je mirovanje prava iz radnog odnosa državnog službenika od dana izbora ili imenovanja na javnu funkciju u bilo kojem zakonodavnom, predstavničkom ili izvršnom organu na bilo kojem nivou vlasti u Bosni i Hercegovini, direktorom u javnoj ustanovi, odnosno javnom preduzeću ili drugoj instituciji koja se finansira iz Budžeta bilo kojeg nivoa vlasti u Bosni i Hercegovini, funkciju pravobranioca na bilo kojem nivou u Bosni i Hercegovini ili ukoliko bude izabran na profesionalnu funkciju u sindikatu, kao i da o tom pravu (odsustvu iz državne službe.).



MINISTARICA

Sanela Zećirević, magistar prava



Broj: 07-02-13672-___/25
Bihać, 19.11.2025.godine

Obrazloženje za postupanje po članu 133. Poslovnika o Skupštine Unsko-sanskog kantona („Službeni glasnik Unsko-sanskog kantona“ br. 9/17 i 11/21)

Kako se radi o uređivanju odnosa unutar državne službe, koji do sada nisu uređeni, a za čijim uređenjem postoji neodložna potreba, imajući u vidu da je donošenje zakona predviđeno Programom rada Skupštine, kao i činjenicu da se radi o nadograđivanju samo jedne pravne norme (tačka c) stav 1. član 27.), to su ispunjeni uvjeti za donošenje zakona po skraćenom postupku, u smislu člana 133. Poslovnika o radu Skupštine Unsko-sanskog kantona.

Ministarstvo je stava da se predmetni zakon može pretresati u skladu sa članom 133. Poslovnika Skupštine Unsko-sanskog kantona u skraćenoj proceduri u formi prijedloga, naročito jer je u postupku konsultacija ministarstvo pribavilo mišljenje Koordinacionog odbora sindikalnih organizacija službenika i namještenika organa uprave, sudske vlasti i javnih ustanova Unsko-sanskog kantona broj 03-07-20/25 od 14.11.2025.godine, u kojem je navedeno da je donošenje ovog zakona opravdano i da su saglasni sa prijedlogom Zakona.

Dostavljeno:
-naslovu (x5)
-a/a

MINISTRICA
Sanela Zečirević, magistar prava





Broj: 21/02-02-13672-4/25
Bihać, 17.11.2025. godine

MINISTARSTVO PRAVOSUĐA I UPRAVE

PREDMET: Mišljenje na prijedlog Zakona o izmjeni Zakona o državnoj službi u Unsko-sanskom kantonu, dostavlja se;-

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona", broj: 9/11, 22/11 i 7/18), Ured za zakonodavstvo Vlade Unsko-sanskog kantona daje sljedeće

MIŠLJENJE

na prijedlog Zakona o izmjeni Zakona o državnoj službi u Unsko-sanskom kantonu

Pravni osnov za donošenje Zakona o izmjeni Zakona o državnoj službi u Unsko-sanskom kantonu (u daljnjem tekstu: prijedlog Zakona), sadržan je u odredbama člana 1., 2.e), 3.e) a u vezi sa članom 4. Poglavlja IV. i člana 11.b) Poglavlja V. Odjeljak A. Ustava Unsko-sanskog kantona – Prečišćeni tekst („Službeni glasnik Unsko-sanskog kantona“, broj: 1/04 i 11/04).

Nakon analize dostavljenog teksta prijedloga Zakona, Ured za zakonodavstvo Vlade Unsko-sanskog kantona, shodno obavezi da se prilikom izrade propisa primjenjuju Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj: 71/14) – (u daljnjem tekstu: Pravila), sugeriše da:

- u članu 1. prijedloga Zakona navedete sve izmjene i dopune Zakona u skladu sa članom 49. stav (2) Pravila,
- dodatno razmotrite predmetnu izmjenu člana 1. prijedloga Zakona u odnosu na razloge donošenja navedene u dostavljenom obrazloženju i naziv člana 27. Zakona državnoj službi u Unsko-sanskom kantonu.

Ured za zakonodavstvo Vlade Unsko-sanskog kantona predlaže obrađivaču da nakon razmatranja sugestija iz ovog Mišljenja, predmetni materijal uputi u daljnji postupak.

Dostavljeno:

1. Naslovu,
2. a/a.





Broj: 04-02-13672-3/25
Bihać, 17.11.2025. godine

- **MINISTARSTVO PRAVOSUĐA I UPRAVE**

PREDMET: Mišljenje o fiskalnoj procjeni, dostavlja se;
Veza, Vaš akt broj: 07-02-13672-1/25 od 10.11.2025. godine

U skladu sa članom 16. Stav 1. Alineja 3. Poslovnika o radu Vlade Unsko-sanskog ("Službeni glasnik Unsko-sanskog kantona" broj: 21/21), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje posebnih sredstava, potrebnih za izvršenje propisa.

Dalje, po odredbi člana 1. i 2 stav (2) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH", 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Slijedom gore navedenog dajemo sljedeće:

Mišljenje

Ministarstvo pravosuđa i uprave Unsko-sanskog kantona, je svojim aktom, broj i datum gornji, Ministarstvu finansija dostavilo Prijedlog Zakona o izmjeni Zakona o državnoj službi u Unsko-sanskom kantonu, te obrazac izjava o fiskalnoj procjeni (ovjeren i potpisan od strane ovlaštene osobe: obrazac IFP-NE). Obrađivač akta je u obrazloženju naveo: "Prijedlog Zakona o izmjeni Zakona o državnoj službi u Unsko-sanskom kantonu neće imati fiskalnih posljedica na Budžet Unsko-sanskog kantona, odnosno za provođenje istog nije potrebno obezbijediti dodatna sredstva u tekućoj 2025. (n) godini, kao ni u narednoj 2026. (n+1) i 2027. (n+2) godini". Slijedom gore navedenog, Ministarstvo finansija smatra da je obrađivač akta postupio u skladu sa članom 7. Pravilnika u pogledu fiskalne procjene, uz napomenu da obrađivač akta - budžetski korisnik treba da se pridržava gornje granice rashoda odobrene za svakog budžetskog korisnika za fiskalnu i naredne dvije godine, a u okvirima fiskalnih kapaciteta u Budžetu Unsko-sanskog kantona.

S poštovanjem,

Obrađivač akta:


Zlatan Zirić, dipl. oec.

Dostavljeno:

1. Naslovu

2. Minist. finansija

3. a/a



MINISTAR

Danko Jakšić, dipl. oec.



SAMOSTALNI SINDIKAT DRŽAVNIH SLUŽBENIKA I NAMJEŠTENIKA U ORGANIMA DRŽAVNE
SLUŽBE, SUDSKOJ VLASTI I JAVNIM USTANOVAMA U FEDERACIJI BOSNE I HERCEGOVINE
Koordinacioni odbor Sindikalnih organizacija službenika i namještenika organa uprave
sudske vlasti i javnih ustanova Unsko-sanskog kantona

Broj: 03-07-20/25
Datum: 14.11.2025.godine

18-11-2025

MINISTARSTVO PRAVOSUĐA I UPRAVE

07-02-13672-2/25

PREDMET: Mišljenje na Prijedlog Zakona o izmjeni Zakona o državnoj službi u Unsko-sanskom kantonu - dostavlja se

Poštovani,

Na osnovu vašeg akta, broj: 07-02-13672-1/25, od 10.11.2025.godine, u kojem tražite mišljenje na Prijedlog Zakona o izmjeni Zakona o državnoj službi u Unsko-sanskom kantonu („Službeni glasnik Unsko-sanskog kantona”, broj: 14/17 i 15/20), Sindikat državnih službenika i namještenika organa uprave sudske vlasti i javnih ustanova Unsko-sanskog kantona je razmatrao Prijedlog Zakona o izmjeni Zakona o državnoj službi u Unsko-sanskom kantonu, te daje slijedeće mišljenje:

- Prijedlog Zakona o izmjeni Zakona o državnoj službi u Unsko-sanskom kantonu je u skladu sa Ustavnim ovlaštenjima Kantona da utvrđuje politike koje se tiču regulisanja i osiguranja javnih službi, kao i da Skupština kantona donosi zakone i izmjene zakona Kantona.

Kako je **razlog donošenja Zakona o izmjenama Zakona o državnoj službi u Unsko-sanskom kantonu, usklađivanje sa Pozitivnim zakonskim propisima** (propisima koji su na snazi), što je navedeno u obrazloženju dostavljenog Prijedloga Zakona o izmjeni Zakona i kako ovim izmjenama neće biti narušeni osnovni principi pristupa državnoj službi, **Sindikat je mišljenja da je donošenje Zakona o izmjenama Zakona o državnoj službi u Unsko-sanskom kantonu, opravdano i saglasan je sa Prijedlogom za donošenje istog.**

S poštovanjem!

Dostavljeno:

- 1.naslovu
- 2.Koordinacioni odbor
- 3.A/a

Predsjednik Koordinacionog odbora

Fazir Vukalić

da zbog osnovanog prijavljivanja, ne može biti disciplinski odgovoran niti imati bilo kakvih posljedica na svoj radno-pravni status.

(7) Državni službenik ne smije zauzimati nekretninu u vlasništvu izbjeglice ili prognanika niti zauzimati stan za koji je izbjeglica ili prognanik podnio zahtjev za povrat stanarskog prava, niti zauzimati stan koji bi trebao biti pod upravom općinskog organa uprave zaduženog za stambena pitanja i koji bi trebao biti korišten u svrhu alternativnog smještaja.

(8) Državni službenik u vršenju svojih zadataka dužan je poštivati principe utvrđene u Etičkom kodeksu za državne službenike koji donosi Vlada Kantona.

(9) Državni službenik dužan je da se po pismenom nalogu rukovodioca organa državne službe, podvrgne ljekarskom pregledu radi utvrđivanja njegove zdravstvene sposobnosti za vršenje poslova radnog mjesta na koje je postavljen, ako postoji sumnja da je došlo do promjena u njegovom zdravstvenom stanju.

(10) Troškove ljekarskog pregleda iz stava (9) ovog člana snosi organ državne službe u kojem je državni službenik u radnom odnosu.

(11) Državni službenik ispunjava i druge dužnosti utvrđene ovim Zakonom.

Član 25.

(Dužnost zamjene odsutnog državnog službenika)

(1) Državni službenik dužan je da po nalogu rukovodioca ili neposredno nadređenog, u izuzetnim ili hitnim slučajevima, a najduže tri mjeseca neprekidno u toku godine dana, pored poslova iz opisa svog radnog mjesta, obavlja poslove osnovne djelatnosti iz nadležnosti organa državne službe koji nisu u opisu poslova radnog mjesta na koje je raspoređen, a za koje ispunjava sve potrebne uvjete.

(2) Državnom službeniku pripada pravo na naknadu za obavljanje poslova iz stava (1) ovog člana u visini do 30% od osnovne plaće radnog mjesta čije poslove privremeno obavlja.

Član 26.

(Prava državnog službenika)

Državni službenik ima pravo:

- a) na stalni radni odnos, osim ako ovim Zakonom nije drugačije utvrđeno,
- b) na odmor i drugo odsustvo utvrđeno zakonom, kao i na nastavak rada na istom ili sličnom radnom mjestu po isteku odsustva,
- c) da bude nagrađen na osnovu zadataka i rezultata rada u skladu sa zakonom, podzakonskim propisima i kolektivnim ugovorom,
- d) na plaću, naknade i druga materijalna primanja u skladu sa zakonom i kolektivnim ugovorom,
- e) na unapređenje profesionalne karijere u skladu s ovim Zakonom,
- f) na podršku i pomoć u stručnom obrazovanju i profesionalnom usavršavanju u cilju napredovanja u karijeri putem obuke i na druge načine,
- g) na zaštitu svog fizičkog i moralnog integriteta tokom obavljanja službenih dužnosti,
- h) da se nadređeni državni službenik prema njemu odnosi poštujući njegovo ljudsko dostojanstvo,
- i) da osnuje ili se učlani u sindikat ili profesionalno udruženje, u skladu sa zakonom,
- j) na štrajk, u skladu sa zakonom.

Član 27.

(Nespojivosti sa dužnostima državnog službenika)

(1) Državni službenik ne smije obavljati dužnost, aktivnost ili biti na položaju koji dovodi do sukoba interesa s njegovim službenim dužnostima, a naročito:

- a) državni službenik ne smije obavljati dodatnu niti dopunsku djelatnost za koju se plaća naknada, osim u slučaju kada je to odobrio rukovodilac organa državne službe u skladu s propisom koji donosi Vlada Kantona na prijedlog Ministarstva pravosuđa, a koji sadrži slučajeve i uvjete u kojima se može dati ovakvo odobrenje,
- b) državni službenik koji je razriješen dužnosti u roku od dvije godine od dana razrješenja s dužnosti ne može se zaposliti kod poslodavca kojem je bio redovni pretpostavljeni, odnosno ne može se zaposliti u firmi nad čijim je radom provodio redovni inspekcijski nadzor. Državni službenik također ne smije primati bilo kakvu

naknadu od tog poslodavca ili firme u roku od dvije godine od dana razrješenja s dužnosti. Ove zabrane se utvrđuju u rješenju o prestanku radnog odnosa.

- c) prava i obaveze državnog službenika miruju od trenutka kada je izabran ili imenovan na javnu funkciju u zakonodavnom ili izvršnom organu na bilo kojem nivou vlasti u Bosni i Hercegovini, ili bude izabran na profesionalnu funkciju u sindikatu. Državni službenik je dužan u roku od osam dana od dana izbora ili imenovanja o toj činjenici obavijestiti rukovodioca organa državne službe, koji donosi rješenje o odsustvu državnog službenika iz državne službe,
- d) državni službenik ne može biti član organa političkih stranaka utvrđenim aktima stranke i ne smije slijediti uputstva političkih stranaka u obavljanju poslova državne službe za koje je zadužen,
- e) državni službenik koji se nađe na potvrđenoj izornoj listi neke političke stranke ili kao neovisni kandidat za bilo koji nivo vlasti u Bosni i Hercegovini, dužan je u roku od osam dana o tome pisanim putem obavijestiti rukovodioca organa državne službe. Državni službenik dužan je za vrijeme predizborne kampanje koristiti godišnji odmor ili neplaćeno odsustvo, a rukovodilac organa državne službe o tome donosi rješenje,
- f) državnom službeniku nije dozvoljeno otvaranje obrta ili osnivanje privrednog društva ili drugog pravnog lica u području djelatnosti na kojem je zaposlen kao državni službenik, odnosno u području djelatnosti koje je povezano s poslovima iz nadležnosti organa državne službe u kojem je zaposlen.

(2) Državni službenik iz stava (1) tačka c) ovog člana može se vratiti na isto ili slično radno mjesto u istom ili drugom organu državne službe istog nivoa vlasti, najkasnije u roku od mjesec dana od nastupanja sljedećih slučajeva: završetka mandata i prestanka funkcije u zakonodavnom ili izvršnom organu na bilo kojem nivou vlasti u Bosni i Hercegovini.

Član 28.

(Odlučivanje o pravima i dužnostima državnih službenika)

(1) O pravima i dužnostima državnih službenika iz radnog odnosa, u skladu sa ovim

ili posebnim zakonom, podzakonskim propisima, općim aktima i kolektivnim ugovorom, odlučuje rukovodilac organa državne službe, osim kada je ovim Zakonom i podzakonskim propisima utvrđeno da odlučuje drugi organ.

(2) O pravima i dužnostima iz stava (1) ovog člana donosi se rješenje.

(3) Za donošenje i dostavljanje rješenja državnom službeniku primjenjuju se odgovarajuće odredbe Zakona o upravnom postupku.

(4) Protiv rješenja iz stava (2) ovog člana, državni službenik ima pravo u roku od osam dana od dana prijema rješenja izjaviti žalbu Odboru državne službe za žalbe Federacije Bosne i Hercegovine iz člana 90. ovog Zakona (u daljem tekstu: Odbor za žalbe) radi preispitivanja pravilnosti donesenog rješenja, ako za pojedina pitanja ovim Zakonom nije određen drugi rok. Žalba odlaže izvršenje rješenja, ako ovim Zakonom nije drugačije određeno.

(5) Rukovodilac organa državne službe dužan je izvršiti rješenje nadležnog inspektora, kao i presudu suda koja se odnosi na prava i dužnosti državnog službenika iz radnog odnosa ili u vezi s radnim odnosom.

Član 29.

(Imovinski karton državnih službenika)

(1) U skladu sa ovim Zakonom, prilikom postavljanja na radno mjesto državni službenik dužan je dostaviti sve podatke o imovini putem imovinskog kartona.

(2) Sadržaj imovinskog kartona koji je sastavni dio Registra državnih službenika utvrđuje Vlada Kantona.

POGLAVLJE III. UPRAŽNJENA RADNA MJESTA, PREMJEŠTAJ, ZAPOSŁJAVANJE, OCJENA RADA, UNAPREĐENJE I PREKOBROJNOST

Član 30.

(Postavljenje državnog službenika na radno mjesto nakon donošenja pravilnika o unutrašnjoj organizaciji)

(1) Nakon donošenja pravilnika o unutrašnjoj organizaciji organa državne službe ili izmjene i dopune tog pravilnika, rukovodilac organa državne službe vrši postavljenje zatečenih